

兩元乘車優惠擴展加快進行

羅致光否認煞停傳聞 冀下個財政年度放寬

行政長官林鄭月娥年初提出10項民生政策新措施，包括將長者兩元乘車優惠擴展至60歲至64歲人士，使所有60歲或以上人士受惠，但近日傳出行政會議內有意見認為計劃開支高昂兼欠缺經濟效益，政府煞停計劃的傳聞甚囂塵上。勞工及福利局局長羅致光昨日出席電台節目時否認有關消息，強調政府仍希望可以在下個財政年度放寬兩元乘車優惠計劃。

香港文匯報記者 文森

政府叫停兩元乘車優惠擴展至60歲至64歲人士的傳聞，羅致光昨日在電台節目中澄清，「從來無話唔做！」他指相關計劃的顧問研究報告已大致完成，勞福局仍在進行分析工作，範圍包括是否將紅色小巴等納入計劃，形容相關工作不但沒有被煞停，反而是加快速度進行。

據政府之前的估算，將計劃的受惠對象年齡由65歲降低至60歲每年涉及17億元額外開支，但有消息指，政策在2025/26年度會令庫房帶來每年近100億元的開支，有行會成員因而有所保留。

預算「預鬆响」免追加撥款

羅致光回應有關問題時解釋，顧問的初步報告提出一個估算幅度，政府在考慮政策時用了中間數作參考，他指出有關開支預算「預鬆响」，以免最終開支超過17億元時再申請撥款，但他在訪問中未有透露實際數字，只是表示會在適當時再公布。

政府公布有關構思時，仍未爆發新型冠

狀病毒肺炎疫情，當時未曾預料要動用3,000億元儲備應對疫情，羅致光承認政府的財政狀況是重要考慮，惟指計劃的經濟效益屬次要，政府在完成檢討工作後就會提交資料讓行會分析，現階段雖然未能落實具體時間表，但強調政府仍以明年推出計劃為目標。

長遠研個人八達通代長者卡

政府在擴大兩元乘車受惠對象時，亦需處理長者八達通被濫用的問題。羅致光指乘車優惠的政策目標並非鼓勵非年長人士出行，透露政府初步傾向以個人八達通減少濫用情況，惟因發放需時，第一步會考慮先讓59萬名60歲至64歲長者申請，長遠則會研究用八達通取代由社會福利署發放的長者卡。

羅致光並在訪問中提到該計劃面對本港人口高齡化，及營運商加價等因素影響，政府的津貼金額會愈來愈高亦是未來需要面對的問題。



羅致光出席電台節目時強調，政府仍希望可以在下個財政年度放寬兩元乘車優惠計劃。



羅致光表示，長遠會研究用八達通取代由社會福利署發放的長者卡。圖為長者乘坐巴士。

中新社

政府無法干預國泰決定

香港文匯報訊（記者 文森）國泰航空上星期公布集團重組計劃，在香港裁員5,300人，勞工及福利局局長羅致光昨日接受電台訪問時表示，政府相關部門事前大致知悉計劃，該局會協助受影響人士。對於國泰同時要求獲留用的機艙服務員簽署薪酬減幅最高近四成的新合約，他重申更改僱傭合約應在勞資雙方有商有量的情況下進行，但坦言政府理論上無法干預企業合法的商業決定。

指裁員規模令人不快

新型冠狀病毒肺炎疫情令全球航空業受

到重創，客運量暴跌99%，羅致光指出雖然國泰裁員是商業決定，但規模令人不愉快，又認為日後的空運需求恢復速度仍屬未知之數，營運者要思考如何營運下去。

特區政府早前向國泰注資273億元，並委託兩名觀察員加入國泰董事局，羅致光承認財政司司長和運輸及房屋局等相關部門在國泰重組方案公布前已大致知悉裁員計劃，而他自己則是間接被知會，強調勞福局會密切關注國泰裁員的安排，協助受影響人士。

勞工處早前就國泰裁員一事設立專線，羅致光透露該處至今已接獲逾百宗查詢，

當中主要涉及勞工權益問題，求職求助只佔少數。

籲勞資雙方應有商有量

國泰除了裁員外，亦要求獲留用的機艙服務員在下月4日前簽署新合約，否則會被解僱，國泰與工會就安排開會前向員工發內部通知，指已簽新約的員工人數足以應付今年至明年的航班人手需求，做法被批評是恐嚇員工。

羅致光表示，如果僱主要取消原有合約再更改為新合約，法例理論上規管不了，政府可以做的只是確保資方根據相關安排向受影響員工提出補償。他呼籲勞資雙方應有商有量，如果國泰勞方認為有需要，勞工處可以做中間人介入事件。

攪炒區員大搞一言堂 連自己友都唔畀面

制衡失控議會

成日話自己會聽取市民意見嘅攪炒派，竟然唔准市民發聲？自稱「藝術家」嘅區展緯，喺大埔區議會討論有效改善區內環境衛生問題時，表達希望出席大埔區議會轄下嘅環保、漁農、工商、食物及衛生委員會，就大埔翠屏花園街一帶嘅衛生問題發表意見嘅，點知被委員會主席劉勇威告知，有議員反對佢出席會議。程展緯事後喺facebook公開事件，發現有網民亦曾被其他區議會拒絕參與會議，難怪經常有人批評今屆區議會都漠視民意，一味掛住搞一言堂啦。

為準時收工拒市民參與會議

程展緯本月14日喺fb發帖，呻自己用咗好多時間心力去研究街市生態，認住同區議會分享點解決區內衛生問題，「但他們總好似要和我競爭，拒人千里。」

程展緯其後向《獨立媒體》話，自己睇直播

時得知大埔區議會將討論區內街市衛生問題，於是留言希望參與會議，點知慘食閉門羹，仲話佢事後試過向委員會主席劉勇威提出要求，但對方就話有議員反對佢出席。

《獨立媒體》其後證實反對程展緯出席會議嘅議員係區鎮權，理由係「萬一第時有其他大埔市民話要上嚟，咁多個議程，10幾個人上嚟我哋點控制？」咁講法，睇嚟攪炒派覺得準時收工重要過聽民意喎。

所謂「冇眼識泰山」，原來程展緯攪炒派自己友：2016年，佢係得悉時任特首梁振英到訪其女兒就讀的學校時，就以家長身份到場舉牌抗議，獲頒香港藝術發展局藝術家年獎後，更公開要藝發局拒絕邀請梁振英出席頒獎禮及擔任主禮嘉賓等等。

踩着自己友搞到「黃絲」群情洶湧，劉勇威急急撲出嚟話可以預留10分鐘畀程展緯。坦白講，如果唔係程展緯係「同路人」，睇怕佢都唔會咁樣遷就對方。不過，程展緯似乎唔想要呢啲「施捨」，最終拒絕出席會議。

反咬程展緯好拉水先通知佢

香港文匯報記者 兩航

劉勇威似乎諗唔到自己友都唔畀面，公開打佢臉，所以自己友都冇情講，反咬程展緯睇開會前好拉水先通知佢，令佢冇時間了解情況同通知其他委員喎。

程展緯其後就喺fb發帖，話自己聽完當日6.5小時嘅會議錄音後「好無力，好想去食一枝雪糕急救一下（吓）」「大家都可以聽下（吓），罵（罵）足六小時，到最後成個會食環小販隊都沒承諾什麼，個委員會個名明明環保先行，但就沒有傾過街市什麼環保面向。」

估唔到同啲「素人」區議員相交甚篤嘅朱凱迪都揶揄：「聽講每人發炮30分鐘，實在想學下（吓）野（嘢）」「Brian Wu」就tag咗區鎮權：「哦，原來多議程，多市民就唔可以發表意見，解決提出問題的人就解決了問題，咁我睇唔到大埔有咩空間要（界）你繼續做代議士。」「Ng Cheuk Hang」則有感而發，話荃灣區議會一樣係唔畀街坊主動去表達意見嘅：「有些區議員對公民社會很大戒心，想自己score（攞分），視團體為假想敵。」

區會唔夠人流會 攪炒派轟「同道」冇紀律

監察新科議員

攪炒派區議員嘅工作表現，差到連「同路人」都頂唔順。記得「素人」區議員年初上任嗰陣，個個精神嘍嘍話會全力投入地區工作，仲搞咗一大串工作小組出嚟，點知西貢區議會轄下文化、歷史及體育工作小組近日竟然流會，激到小組召集人梁衍忻炮轟「同路人」冇紀律，又踢爆某議員入小組至今從未出席過任何會議：「唔工作，做咩又入工作小組？」

專員打電話叫區員返嚟開會

「黃絲」區議員互開嘅場面唔罕見，但好似梁衍忻咁鬧到叫人走就真係第一次。涉事小組當日朝早9點半舉行會議，唔知大家忙緊乜「大事」，只得5個議員準時出席。區議會秘書處同助理專員期間不斷致電，提醒其他議員趕返嚟開會，因為根據《會議常規》，如果會議開始後15分鐘都唔夠三分之一人出席就會流會。

原本以為全個小組都係「同路人」就唔會出事嘅梁衍忻，最後好無奈咁宣布流會，但就決

定繼續留嚟會議室，事關佢今日專誠邀請到幾個非常團體代表嚟討論區內保育問題，實在唔想因為流會要人哋白行一趟。但其後又向媒體批評「同路人」唔尊重民間團體意見，更遑論革新。

雖然秘書處都講明流會繼續傾只會當係「交流會」，但梁衍忻仍堅持開會，本來傾落都好咗，點知開會成個鐘後幾位「同路人」先姗姗來遲，激到梁衍忻終於忍唔住：「如果你係唔會出席我會議，我希望你退出我個小組。」

猛搞小圈子白逗人工

佢又疑似暗忖「同路人」白逗糧，話區議會並冇強制要求議員加入工作小組，所以「入得嚟係要做嘢，要做功課發言，嚟齋坐係冇意思。」

唔少網民睇完梁衍忻嘅facebook轉發嘅報道後都怒火中燒，話要質問班區議員去咗邊，但「FH Chan」就試圖為佢地護航：「咁有啲議員落落落落case，真係可以好燒時間。」「Kelvin Yu」就反駁：「但唔係今日先知道要開會呀嘛，我無記錯的話上次開會應該會定埋日期，除非病，唔係真係搵唔到一個合理既（嘅）理由唔去開會。」

「FH Chan」其後就想尋根究底，問係咪班西貢區議員私下有交流先搞到流會，「Kelvin Yu」就回應：「印象西貢分小圈子既



梁衍忻見工作小組因「同路人」唔出席而流會，大鬧佢地唔做嘢就唔該入工作小組。

梁衍忻facebook截圖（嘅）情況係比較明顯，小（少）交流都不足為奇。」

有網民就讚梁衍忻鬧得好，「Eldred T H Hui」仲建議佢進一步攻擊「同路人」：「要開批鬥大會，批鬥唔到又唔出聲既（嘅）人！」「Ka Kit Yeung」亦氣憤難平：「班×議員是咁上下，選民記住班出糧垃圾，選時見人，選倒（到）走人！」「Sam Lam」就十分驚訝：「咁早現形？」「Luke Wong」就話：「香港幾難得先有份咁嘅嘢，點批鬥都炒唔到佢。」

香港文匯報記者 兩航

批王百羽斂財懶理「手足」

「『手足』嘅錢係我嘅錢，我嘅錢都係我嘅錢」相信呢句就攪炒分子嘅心底話啦。自稱「本土派」嘅元朗區議員王百羽，早前因被發現嘅選舉票489萬而備受批評，「熱血公民」副主席鄭錦滿近日就喺facebook繼續狙擊，問王百羽點解有幾百萬做選舉經費，都唔見佢擺嘅錢去幫吓釋囚「手足」，結果成班網民都跟隊鬧王百羽斂財，甚至揶揄佢獨食唔幫「手足」，所以先咁肥喎。

鄭錦滿近日攞返王百羽早前參加「初選」嗰個宣傳post，上面寫住「全港十八區區議員全力推薦」，仲有幾十個支持王百羽嘅區議員姓名。鄭錦滿就揶揄：「有400幾萬選舉經費，攞三兩千出嚟幫吓釋囚『手足』就有嘅名單。」

facebook專頁「無神論者的巴別塔」亦重貼王百羽呢個宣傳帖子，仲懷疑如果佢claim得返全數，係咪要分返畀名單上呢60幾個有份撐佢嘅「手足」：「每人七皮嘢簽字費差唔多啦？」

「讚揚」食血饅最佳示範

網民「Evins Lui」則覺得有可能：「如果佢要分贓一



鄭錦滿批評王百羽有四百幾萬競選經費，都唔見佢拎的錢幫吓釋囚「手足」。鄭錦滿facebook截圖

早分啲啦！洗（使）等到而（嘅）家？」「Renee Tai」就回覆：「可能當初筆錢係集資呢，攞得返咪派息嚟（囉）」

「Kwokchun Cheng」就拍晒手掌：「『抗爭』抗到可以一下子多咗半層樓！」「Chung ka wai」亦讚揚：「食人血饅頭的最佳示範，可憐班『手足』，不過唔緊要，永遠有『黃絲』被騙，長做長有」。「海自盡」就話：「新『泛民』，為搵食扮『抗爭』」。

「Wylie Fung」就將佢嘅身形同龐大嘅開支聯埋一齊：「有成400幾萬，所以食到雙下巴都出晒黎（嚟）」。「Trixia Pat」就提到王百羽喺形象設計使咗幾十萬都有乜效果，建設佢「再拎多二三十萬出來，抽脂整容」。

香港文匯報記者 兩航

警邀潘曉穎母會面 聽訴求還證物

香港文匯報訊（記者 蕭景源）台灣殺人案疑犯陳同佳赴台自首計劃仍未確定出發日期，死者潘曉穎的母親提出願意做港台之間的中間人，邀兩地警方會晤商討事件。潘母昨日進一步透露，香港警方邀請她今日（25日）見面，以了解她的訴求，並會交還陳同佳涉港洗黑錢案中與她女兒相關的證物。

該批證物可能關乎陳同佳在台灣牽涉的命案，故自己暫時不會取回證物，會要求警方妥善保管，並盡快與台警進行刑偵移交資料。該「中間人」又稱，潘母在與香港警方見面時，要釐清警方是否接受其邀請，跟台灣警方坐下來商談案件。

警方昨日回應指，就陳同佳向台灣投案一事，保安局前日（23日）已發出聲明，警方亦已致電潘曉穎母親以了解事件的最新情況，並會與她保持聯絡和提供適切可行的協助。據了解，負責調查陳同佳洗黑錢案的東九龍總區重案組，負責接待潘母。